

PEMBERITAHUAN PERTANYAAN
DEWAN RAKYAT MALAYSIA

PERTANYAAN : LISAN

DARIPADA : TUAN MOHAMED AZMIN ALI

KAWASAN : GOMBAK

TARIKH : 01 APRIL 2015 (RABU)

NO. SOALAN : 45

Y.B. TUAN MOHAMED AZMIN ALI [GOMBAK] minta MENTERI PERDAGANGAN ANTARABANGSA DAN INDUSTRI menyatakan apakah jenis *Transfer of Technology* (TOT) yang akan dilaksanakan oleh Proton Holding Berhad bersama PT Adiperkasa Citra Lestari.

JAWAPAN

Tuan Yang Di Pertua,

Potensi pemindahan teknologi atau, dengan izin, *Transfer of Technology* yang akan dilaksanakan oleh PROTON di bawah usahasama dengan PT Adiperkasa Citra Lestari bergantung kepada hasil kajian kemungkinan yang sedang dilaksanakan. Pemindahan teknologi ini boleh dilaksanakan secara terus antara kedua-dua syarikat atau melalui kerjasama dengan pihak universiti di kedua-dua negara.

Umumnya, pemindahan teknologi secara terus dari satu syarikat kepada syarikat usahasama yang lain boleh dilaksanakan lebih segera. Ini termasuklah pemindahan perkakasan, perisian, perkongsian hak harta intelek yang dibangunkan bersama, mahupun pemindahan kemahiran.

Namun begitu, PROTON juga sedang melihat konteks pemindahan teknologi yang lebih meluas agar usaha ini memberi manfaat kepada kedua-dua pihak. Potensi pemindahan teknologi melalui kerjasama dengan pihak universiti merangkumi penyelidikan asas dan penyelidikan gunaan di antara universiti dan industri atau universiti dan universiti dari kedua-dua negara perlu diterokai bagi membangunkan industri automotif yang berdaya saing di rantau ASEAN.

Semua aktiviti kerjasama yang bakal dikenalpasti akan dimuktamadkan melalui sebuah perjanjian usahasama (*Joint Venture agreement*) di antara kedua-dua syarikat setelah kajian kemungkinan tersebut selesai dilaksanakan.